

25. mart 2020. godine

G. David Sassoli, predsjednik Evropskog parlamenta

Gđa. Ursula von der Leyen, predsjednica Evropske komisije

PREDMET: Apel za pomoć regionu Zapadnog Balkana u borbi protiv pandemije koronavirusa (COVID-19)

Poštovana gđo. Von der Leyen,

Cijenjeni g-dine. Sassoli,

Svjesni složenosti trenutka u kome se nalazimo i problema sa kojima se svi suočavamo prouzrokovanih pandemijom koronavirusa (COVID-19), ovim zajedničkim apelom želimo ukazati na trenutno vrlo nepovoljnu i izazovnu situaciju u kojoj se nalazi i region Zapadnog Balkana, kako u pogledu broja zaraženih, tako i u pogledu nedovoljne opremljenosti zdravstvenih sistema u regionu adekvatnom medicinskom opremom i aparatima koji su neophodni za uspješnu prevenciju, liječenje i sprečavanje daljeg širenja koronavirusa (COVID-19). U tom pogledu sada su nam, više nego ikada, potrebni solidarnost, koordinirani pristup i zajedničko djelovanje.

Zbog toga apelujemo da Zapadni Balkan, koji je uvijek jasno i nedvosmisleno isticao da pripada evropskoj porodici, bude izuzet iz odluke o restrikciji izvoza medicinske opreme iz Evropske unije kako bi, kroz prenos stečenih iskustava i nabavku potrebne opreme i medicinskih sredstava, postao dijelom zajedničkog evropskog odgovora u suočavanju sa pandemijom koronavirusa (COVID-19).

S tim u vezi, u svojstvu predsjednika i predsjedavajućih parlamenata sa prostora Zapadnog Balkana, apelujemo da, u cilju naše zajedničke budućnosti, jednakosti i solidarnosti, poduzmete sljedeće mjere:

- da razmotrite mogućnost uključivanja regiona Zapadnog Balkana u EU+ šemu dozvole izvoza;
- da omogućite regionu Zapadnog Balkana da, ukoliko to ocijeni potrebnim, pristupi Sporazumu o zajedničkim nabavkama medicinskih protivmjera i na taj način učestvuje u zajedničkim javnim nabavkama medicinske i zaštitne opreme za borbu protiv pandemije koronavirusa (COVID-19);

- da razmotrite mogućnost da se regionu Zapadnog Balkana omogući preusmjeravanje neutrošenih sredstava iz Instrumenta za pretpristupnu pomoć (IPA II) za borbu protiv pandemije koronavirusa (COVID-19), kao i korištenje svih drugih sredstava iz različitih fondova Evropske unije koji stoje na raspolaganju za ovu svrhu.

Pored predloženih mjera, u ime naših parlamenata, pozdravljamo svaku vrstu pomoći koju je Evropska unija spremna staviti na raspolaganje regionu Zapadnog Balkana.

Uvažena predsjednice Evropske komisije, cijenjeni predsjedniče Evropskog parlamenta, uvjereni smo da će ovaj apel imati pozitivan ishod, jer mi na prostoru Zapadnog Balkana, odnosno Jugoistočne Evrope, iskreno vjerujemo u evropsku solidarnost i našu zajedničku evropsku budućnost.

S poštovanjem,

Gramoz Ruçi

Predsjednik Parlamenta Republike Albanije

Denis Zvizdić

Predsjedavajući Predstavničkog doma Parlamentarne skupštine Bosne i Hercegovine

Dragan Čović

Predsjedavajući Doma naroda Parlamentarne skupštine Bosne i Hercegovine

Vjosa Osmani

Predsjednica Skupštine Kosova¹

Ivan Brajović

Predsjednik Skupštine Crne Gore

Talat Xhaferi

Predsjednik Parlamenta Sjeverne Makedonije

Maja Gojković

Predsjednica Narodne skupštine Republike Srbije

⁺ *Ovaj naziv ne prejudicira stajališta o statusu, te je u skladu s UNSCR 1244/1999 i mišljenjem ICJ-a o Deklaraciji o nezavisnosti Kosova.